



文苑  
蒲菡  
齋  
十五

賜額文

三二五

~ 20  
2457  
16



2332.16

門 20  
號 2457  
卷 16

文苑黼黻卷之三十一目錄

賜額文 六院祠湖西

遼巖書院賜額文 連山

一巖書院賜額文 燕岐

魯峯書院賜額文 文義


百源書院致祭文 鎮川

鳳崗書院賜額文 清風

魯崗書院賜額文 尼城

滄江書院賜額文 公山

丹巖書院致祭文 丹陽



文苑黼黻卷三十一目錄

華陽書院賜額文 四原

褒義祠賜額文 平澤

清逸書院賜額文 鴻山

顯忠祠賜額文 牙山

建巖書院賜額文 舒川

德岑書院賜額文 禮山

惠學書院賜額文 洪州

黃江書院賜額文 清風

表忠祠賜額文 西原

忠烈祠賜祭文 忠州

賜額文七 院祠嶺南

吳山書院致祭文 仁同

澹州書院賜額文 咸陽

三溪書院賜額文 安東

紫溪書院賜額文 清道

龍門書院賜額文 安陰

忠武祠賜額文 南海

虎溪書院賜額文 安東

虎溪書院賜祭文

西洞祠賜額文

安東

德林書院賜額文

開寧

禮淵書院賜額文

玄風

浣溪書院賜額文

居昌

周溪書院賜額文

安東

屏巖書院賜額文

青松

冠山書院賜額文

昌寧

崇烈祠賜額文

慶州

西山書院賜額文

咸安

忠烈別祠賜祭文

東萊

興巖書院賜額文

尚州

黃巖祠賜額文

安義

Blank area with vertical lines for text.

文苑黼黻卷之三十一

賜額文六

院祠  
湖西

遼巖書院賜額文

顯宗庚子○文元公金長生主  
享文毅公金集配享文正公宋

峻吉文正公宋時  
烈追享○連山

吾道東來真儒繼作睠彼紫雲實維正脉考亭之學  
於斯為盛孰得其傳曰有先正質厚而重氣和而醇  
德器渾然天稟自純襲訓名父孝謹幼彰樞衣大賢  
志業日章服膺師說委已經籍擇精執固力久真積  
致曲而明由魯而得學成道全盜背睥面尤邃禮家  
究極常變纂釋成書為世通典從政下邑惠同扶溝

晚際昌辰恩禮兩優經幄胄筵大道微言退歸丘園  
齒德彌尊難問質疑學者四會春生座上屢滿戶外  
國依大老士仰宗師稱為沙溪走卒亦知謚以文元  
輿論允愜傳之有子寔世其業性惟端方博以文學  
淵源既深操履斯確齋名慎獨功見實著率循先行  
檢束愈密篤信古賢謹守不失繩趨矩步居敬秉禮  
清亦不激和而有制聖祖需賢累膺徵擢逮我寧考  
眷遇備極咨詢登庸憲司銓軸宗儒得與朝野拭目  
未究厥施迺返初服討論搜輯沒而後已種德濟美  
後前一揆廟焉安靈黃溪之俟合堂俎豆是父是子

儼然家庭若奉晨昏院宇有仙既舊維新兩世同享  
千古幾人在宋崇安暨我坡山斯為並美寧不聳觀  
眦予嗣服寤寐儒先扁以遜巖嘉額是宣命成先朝  
典舉斯今禮官將事遙致予忱不昧者存庶其有歆

大提學趙  
復陽製

鳳巖書院賜額文

顯宗乙巳○文貞公韓忠文元  
公金長生并享文正公宋浚吉

文正公宋時烈  
追享○燕岐

若稽靖陵思敷文治勵翼弘猷濟濟多士有美前修  
卓乎不群穎拔之姿夙彰嘉聞潛心近思味道深造  
有博其學有礪其操孝乎為子不匱其思忠乎為臣

靡頁所知我辟勛華我俗遠隆寅協和衷曰靜曰冲  
茅拔凱彥距脫宵佞盜憎人惡禍心覲逞危談覈論  
彌激彌厲我守之正寧或少沮群獮信信駭機將發  
讎劉害直先此斥黜逮乎難作忠謹一坑拉費之禍  
冤酷誰明惟否惟泰世惟消長主聖臣良獨罹此殃  
若稽仁祖中興大業彛倫既正俊髦並集爰有大儒  
挺生于時四方之士仰為宗師德之純成行而不怠  
有睟其面有盍其背學奚自承惟退暨栗道奚自傳  
伊岡及洛何擇之精何執之固參聞一貫雖魯匪魯  
蘊久必發積厚宜施晚膺延招翔然來儀微言大義

是敷是陳歛退之勇澤不普民樂我丘園左圖右史  
難問質疑及我同志禮究常變折衷群言書成數篇  
訟息多門若行若藏孰非啓誨貽則後人厥功斯大  
偉哉二賢可法可述生不同時迹則一邑瞻彼礚巖  
翼翼簷宇於以安靈并享俎豆人知觀感士有依歸  
俯仰今昔髣髴光輝褒崇闡揚國有成典式遵故事  
昭揭華扁禮官將事薦此泂酌不昧者存庶幾敬格  
魯峯書院賜額文

顯宗戊申○叅判宋麟壽縣監  
鄭確并享文正公宋時烈進享

○文  
義

儒賢篤行彛倫是植逸民高蹈頽波斯激尚賴若人

礪世範俗所趣雖殊其功則一曰惟儒賢應時挺出  
粹然資稟金精玉潔學業醇正深造閭臬踐履真實  
光輝發越立心制行表裏洞徹感通神明孝思攸則  
出為世用身任致澤孤忠斷斷顛隲寧恤姦兇斯坦  
賦機造發死生之變不撓顏色聖祖雪冤士林聳悅  
允矣德行百世式惟茲逸民天分超卓不資師承  
妙契默識淵乎無涖玄通莫測事有難言處境之逆  
涕泣以隨不懈子職孰識苦心沉寘其跡中清中權  
允合往哲蹈乎大方與道不拂偃息北窓塵樊屣脫  
邈矣高標千載罕匹予懷兩臣感歎如昨睠彼南鄉

髣髴遺躅墟里不改堂封在即樹立風聲興起後學  
式建祠宇籩豆有秩封章請額多士叩闕命成先朝  
逮予嗣服茲遣禮官酌此洞酌不亡者存尚冀是格

大提學金萬基製

百源書院致祭文

顯宗己酉○高麗提學李種學  
本朝贈叅議金德崇文學李會

校理李阜并  
享○鎮川

高山景行士林攸師崇德象賢王化所基緬惟提學  
生值麗季胤胄稼牧嘉訓有自蔚乎其文與學之博  
庶普厥施奈時溷濁不容何病累于湖左炳然忠節  
竟為身禍有贈侍郎孝源百行終始愛敬根於天性



真米仲由攀栢王哀特名行殿英廟禮優門閭掉撰  
存沒哀榮三綱一編昭揭芳名曰惟文學學是顯門  
深於大易性命之源胄筵講論我仁宗契悟微言  
賢聖相逢擬待他日將以大用天未欲治為世道慟  
有猗集賢己卯儒珍麗澤文正君子同寅協贊王道  
俾后堯舜運屬彙征志決遠引季鷹掛帆林宗超網  
見幾之際明哲之尚予懷風烈相感曠世恨不同時  
頽俗是勸瞻彼南鄉有祠翼翼想像諸賢餘躅在即  
精靈所安不孤而隣衿紳頌義追慕彌新封章請額  
再籲忱誠茲遣禮官用薦醴牲不昧者存尚冀歆格

華扁千秋過者必式

知製教洪  
柱國製

鳳崗書院賜額文

清風

顯宗壬子大司成金堤贈領  
議政金權領議政金堉并享○

中廟御極運啓休明登崇俊良陶鑄虞唐猗歟大成  
應期挺出方駕文正直造道臬天人對榮若漢之董  
法筵勸講淳夫在宋成周以降膠庠久墜疇任教胄  
一夔足矣魯變至道詩禮絃誦俾予文治四方風動  
謂天可欺讒舌罔極賊機遙發百身難贖重萃繼照  
雷雨雪寃一時之屈萬代之伸天之報施愈久不滅  
世有令孫克肖厥德烈烈忠簡際時昏濁金墉禍迫

天地翻覆謹議一揭人紀永賴視若康莊雪嶺瘴海  
崇蘭自燒芬馥彌遠以身殉道古聞今見矯矯文貞  
藏器待時聖祖所擢寧考所賦畝巖廊終始一德  
存心愛物越自初學施於為政立民蒙福堅確不撓  
袞褒炳若惟茲三臣所遭雖異裨我世道其軌無二  
窮達夷險不負所學厥學伊何聖賢是式若人之儔  
生也不數相去千里曠世一覲孰如三臣相承祖孫  
麟儀鳳師萃於一門惟孝于先事君則忠以啓後學  
孰與讓功睠彼鄉邑遺風未沫高山仰止小子有述  
復峽中關漢水清泚於焉有廟祭祀一體爰錫顯額

循以洞酌不昧者存尚冀歆格

大提學金萬基製

魯岡書院賜額文

肅宗辛酉○文正公尹焯主享  
文敬公尹宣舉忠敬公尹文舉

文成公尹拯  
追享○尼城

於昔仁廟運履休恤烈烈大夫時維朝傑其風凜然  
古諍臣匹既際艱危深著忠節爰初倡言謂和即降  
孰云讖禍清議攸宗迺陳大計迺守迺攻義在尊周  
才乏為邦時多名臣風烈可記正論宏規茲乃最備  
譬昔宋室邦衡伯紀其蘊未展志士興喟孰是無本  
樹立斯卓篤志力學薰陶先覺于官于家懿行茂績  
流風所暨尚激頽俗亦有二胤綽矣濟美維都御史

及季徵士如胡蔡家並稱二子御史閻閻既和且粹  
資稟既異充養尤篤德器盎春中心介石經濟之具  
沉潛之學知者雖希望之皆服罔曰常調進退自別  
惟禮惟義其守之截豈其忘世時有伸屈卷懷自靖  
父道是率出處逶迤涯際誰測十年堅坐高風絕俗  
兩朝加禮群士欽德致而可祭為世矜式巖巖徵士  
挺特深崇始游國庠力排和戎大義堂堂歐徹陳東  
禍亂孔慘即歛其蹤隱居求志德尊學成廣大法門  
嚴密功程坡山嫡派宅相是承正學克紹斯文有憑  
肆我烈祖致敬特至迄于先朝延聘不止惟其任重

幸莫一起志切刷耻言執量已道雖未試功則不誣  
鄉存善俗士知正趨施及後人遺風不渝邈世依中  
盖云庶乎睠彼魯城實惟仁里立祠妥靈兄弟父子  
豈不休哉曠世盛事章甫來陳益見公議予惟嘉歎  
豈忘褒飭乃錫院額侑以牲帛千秋報祀咸秩無極  
人生秉彝疇無好將曷不相勸道學節義庶令來者  
觀感興起茲爰遣官往致予意惟神如在尚其鑑只

知製教  
林泳製

滄江書院賜額文

肅宗壬戌○判書  
黃慎獨享○公山

宣廟作人厯碩敷廷正氣所鍾時則有卿稟賦既卓

涵濡又至直方以大允矣君子自在髻鬣休閒大噪  
早游儒門發軔正路學以為已慥慥實地律以謙冲  
養以剛毅精神之運餘事藻華典雅精緻駸駸大家  
薄試功令魁科豎摘亨衢縱靶鳳儀麟出執經禹筵  
宣公敷對正笏薇省汝南風裁歲在龍蛇國劄于兵  
一心王室再赴賊營機謀勿勿衷赤炳炳不色於難  
航海銜命中洋遇颶鼉作鯨吞舟中一誓腔血是技  
忠信所仗鬼神實臨海若戢威蠻首歛衽天心悔禍  
宗祏再血睿眷采隆勲封載赫零虹翳日左腹煽慝  
先師受誣斯文汚蠆目卿黨此置卿罪籍卿時肥遯

若介于石樂彼林泉杖屨婆娑門成鄒魯巷騰絃歌  
聖心軫舊俄期進庸台階未踐奄哭遺弓昏朝數倫  
禍迫金墉直道陽九駭機倏發先朝耆哲次第徽纆  
一網之罹瘴海三霜竟坳于謫善類盡傷中興之始  
公議復晰申之恤典贈以大秩迹卿終始槩卿平生  
淵源正學型範考亭夷險一節伯仲康侯居家行誼  
立朝訂謨國乘書之輿人誦之眇予寡昧夙慕風規  
高山仰止恨不同時滄江一曲昔所棲息安侑之所  
亦旣翼翼揭踰有闕儒紳露牘寔斷予衷載宣華額  
肆遣春官敬陳薄具尚越昭格佑我文教

大提學吳道一製

丹巖書院致祭文

肅宗壬申○高麗祭酒禹倬本朝文純公李暹并享○丹陽

粵惟箕聖肇創人文羅濟以來中窳不聞降及麗季  
真儒乃作獨尋墜緒是謂先覺自任斯文含咀典墳  
一部義經用力尤勤程傳始東奧義孰解閉門究索  
理與心會妙契前賢功啓衆昏臺省抗章白衣叫闈  
持斧東葉視死何怵昏主面赤近臣股栗孤忠峻節  
百代可師始調海邑並撤淫祠妖不作怪民始歸正  
晚歲休官居閒養性平生踐履卓乎誰繼良史記蹟  
垂勸來世逮乎本朝群賢輩起曰惟文純我東朱子  
淵源一脉上接洙泗開來繼往博文約禮精粗共貫

表裏一體謙挹自持克養既積達必兼善窮不改樂  
晉揚明庭百僚矜式文風蔚興禮遇彌極難進易退  
素志愈確棲遲山水仁智是娛疏陳六條書獻十圖  
深析義理丕闡聖謨金玉振聲山斗懸名為世儒宗  
展也大成牛刀暫試化澤旁流求之曠代疇克與儔  
睠彼丹丘山明水麗前修毓美君子所履遺風餘韻  
千載不滅青衿合謀廟貌是設藏修有所歲月已久  
式從衆籲用錫嘉誦恨不同時余懷緬緲茲遣禮官  
替奠洞酌明靈有臨庶幾歆格

華陽書院賜額文

肅宗丙戌○文正公宋時烈獨享○西原

道出於天由人以明人之存亡世以重輕粵麗之鄭  
遠紹朱程本朝文正暨純與成送闡正學踵起而鳴  
惟文純成再傳而卿卿實間氣天挺豪英有卓其見  
而力其行敬義交待外內彪彌盛德之象巖于泰衡  
尤嚴邪正如水土平卿於斯文孟氏復生聖祖求賢  
乃輟莘耕彌綸妙契佇布義聲中途天崩志士淚盈  
寧考繼志任以和羹追報之忱彌老彌精卿於兩朝  
武侯忠誠予冲而辟有奸盈庭媒孽邦禮誤我聰聽  
使卿顛沛于塞于溟赤烏安重不怵不驚鷓鴣斯得  
繡袞新迎卿之違愠元聖東征國有違尊禮隆老更

而俗之媮自絕高閎日月之踰近出門屏何老乎人  
保我幽貞龍門休退身否道亨卿之處困叔子暮齡  
世趨於陂百六仍丁輪輝之慶喜倍凡情琅玕一封  
肝血是呈萋斐罔極禍網牽嬰賢人之殞天地晦冥  
譬梁木摧大厦傾矣譬砥柱倒狂流橫矣而予靡察  
久屈九京天道善勝豈人所爭倫常復正朝野載清  
昧昧追懷覲然以驛宣綸復誥予悔之旌念卿之學  
所立甚宏尊周之旨本諸麟經節義是尚媮懦則抨  
體道之勇祖乎考亭力觝詖淫若去騰頓聖路廓如  
免抵擽荆伊彼仇嫉亦於是萌嗟功既鉅報豈不羸

宜尸而祝彷彿典刑肆其有廟楚山隋城維彼華陽  
予舊聞名山川之美扶屨攸停矧伊帝翰于厓有銘  
匪風遺義寓此巖扃所以衿紳悲慕斯并遂即山門  
立屋安靈爰舉恒典修其幣牲錫以華扁俾燬楹檀  
巴谷窈深武溪清泠昔所邁軸今則廟廷遵豆有楚  
苾芬孔馨卿之眷顧豈間顯冥庶使後人知所範型  
丕振儒風興我序黌實裨予化矣但卿榮卿其有知  
歆此豐盛

大提學金  
鎮圭製

褒義祠賜額文

肅宗甲申○掌令洪翼漢校  
理吳達濟為集并享○平澤

於赫我朝培植士氣臨危授命世多殉義曷若三臣

烈烈尤卓昔在丙丁天地焚燬稽山至痛白登深耻  
雪霜貿貿蕎麥誰是獨扶倫綱隻手撐傾尊周大義  
昭揭日星胡銓抗章力排和議魯連斥秦蹈海誓死  
春秋一統賴以維持宇宙棟樑亘古罔虧平生素宇  
至死靡他身歿讎庭氣作山河紫市忠魂異世同科  
貞松歲寒砥柱頽波純剛正氣賦與惟均節義成三  
垂耀千春聖祖泣訣寧考詢迹生前異數身後殊渥  
屬予嗣服景慕益切風聲遐遠祀典尚闕士論不泯  
規所俎豆于胥湖縣聿創新宇地是桑梓享並苾芬  
若睢陽廟巡遠與雲嘻茲時世是何日月渚灘前甲

又屆今日天時雖復碩果無徵緬想毅魄予感深增  
肆宣恩額替傳洞酌不昧者存尚庶歆格持平製

清逸書院賜額文

肅宗甲申○贈執義  
金時習獨享○湯山

昔我英廟譽髦作成星辰降精異人挺生髫齡穎拔  
才奪天工袞褒垂榮如古神童丹丘彩鸞清廟瑚璉  
方期發軔聳壑冲天運際堯禪義辭周粟悲纏楚騷  
心契虞竹托跡祇園泐郵超塵鳳歌如狂貝語非真  
放浪形骸神遊無跡不緇不磷保我貞白光爭日月  
節凜冰霜清風萬古獨扶綱常聖祖紆眷名儒叙傳  
屬予嗣服肇修曠典二陵既復六臣繼旌緬懷高標

禮隆哀榮睠茲翰山尚留遺躅一幅丹青萬壽峯側  
西湖古梅雪月澄清舊堂衣鉢彤嚮精靈地類金烏  
山符水落一方景慕百載尸祝肆因儒章宣額褒崇  
曠世相感想見英風斯消穀朝替傳洞酌靈其不昧  
尚庶歆格

顯忠祠賜額文

肅宗丁亥○忠武公李舜臣主享  
府尹李莞兵使李鳳祥追享○牙

天之降難必生英特扶亡濟危全付丕責若漢之亮  
身任興復暨唐有晟生為社稷烈烈惟卿其殆庶幾  
大節精忠偉畧沉機島夷啓釁其端甚微衆所晏晏



卿獨深憂屬制湖閩未雨綢繆毀心果逞豕突誰遏  
躡釜剗萊列郡氣奪卿惟屹若有截海防鐵鎖橫港  
龜艦駕洋刮骨接桴灑泣誓衆焚艘殪首沮齒震悚  
月捷交馳天書屢獎三路水軍俾卿兼掌閑山移鎮  
控扼咽喉軍聲大振海氛將收云誰媒孽以劫代毅  
迨其敗劔復昇重寄單騎勇赴收拾餘燼椀櫓干楯  
迺茸迺繕旌旗變色士氣日奮指揮如神部伍整肅  
露梁大膊躬冒矢石逋寇屏息京觀可築胡天不惠  
將星闕曜功超慄醴義並高趙殺身殉節古有此言  
身亡國活始見斯人士女巷哭千里不絕九重褒贈

三事之秩鐵券追領旂常載烈湖嶺之人或祠或碣  
以寓悲愍至今不忘瞻茲牙城寔卿舊鄉祈連象塚  
矧在茲土風聲所感多士景慕於焉創宇永圖揭虔  
肆因顓章恩額載宣佅官來祭予懷增愴不昧者靈

尚此來饗

趙泰德製  
官副校理

建巖書院賜額文

肅宗癸巳○判書李山甫僉正  
趙憲并享縣監趙守倫進善趙

陳迨享  
舒川

宣廟在宥群彥比肩有臣忠簡私澍二賢篤學力行  
孝悌為本立朝秉直炳日忠悃龍蛇播越首先執鞞  
奔湊轉輸饋餉以給中興偉烈焜耀麒麟儒林頌德

文苑菁華 卷三十一  
十一  
邦國蓋臣亦有文烈資稟絕倫明體適用學有淵源  
制行純篤執志堅確持斧伏闕抗疏瀝血觀象知變  
先見若神熊魚早辨殉國忘身視死如歸成一箇義  
顏波砥柱山河正氣曩在昏朝藝倫掃地一介特立  
寔惟善士持已謙恭懋學誠敬操履敦篤秉議純正  
訓誨蒙士殫誠啓迪嚴立科程小學是法蘭香自焚  
奇禍遽嬰珍瘁興詠善類惋傷幹蠱有子弓箕是繼  
痛父非命蓼莪常廢協贊密謨芟夷凶徒力辭勲名  
陞伏田廬寧考御極擢置從班徵辟不就永矢考槃  
專心求道造詣超卓清修名節無媿昔哲海陬僻邑

四賢繼躅薰陶一邦型範之式衿紳敬慕合祠揭虔  
同聲齊籲恩額新宣崇德褒忠舊典可攷爰命有司  
肇錫嘉號華扁昭揭牲醴式薦精爽不泯庶歆茲真

工曹參議  
宋徵殷製

德岑書院賜額文

肅宗甲午○副提學  
金絲獨享○禮山

惟昔休明莫尚中廟於斯為盛衆哲並造猗嗟我卿  
挺生此際天賦既粹玉溫金麗弱冠志學操履篤至  
節卓行懿翰墨餘事雙魁司馬一舉高第文正文簡  
道義深契羽儀朝端三庵名世明良應期慶會千載  
從頌經幄啓沃靡替致澤君民志回三代拭目雍熙

文苑菁華 卷三十一 賜額文

十四

上下風動處同芝蘭出擬麟鳳噫天將喪奈不佑善  
北門夜啓鬼域潛煽群賢駢首一網誰脫志氣彌厲  
三木非怵履危猶泰視禍如榮流離竄逐十載南溟  
元城嶺外叔子涪陵所守愈確平昔可徵蒙恩獲歸  
托命桑梓痛在蓼莪情切追稅廬于墓側投血以終  
純忠篤孝令聞無窮允矣君子誰與倫此聖祖垂獎  
馳加爵位風聲益彰激懦千億士林推仰願為矜式  
瞻彼烏山寔卿舊址遺芳未泯取光猶在衿紳合謀  
廟宇斯屹瞻依有所享禮罔缺爰錫新顏庸示寵典  
不昧英靈庶歆明歲

知製教  
任陞製

彭烈書院賜額文

景宗辛丑○忠貞公尹集忠正  
公洪翼漢忠烈公吳達濟並享

○鴻山

天朝失馭弱國無庇虜喝西來俾奉僭偽邪議隨之  
從逆是利不有忠臣吾髮其被或先倡明請斬虜使  
或斥姦佞同持正議父母之邦死不可貳仇讎之賊  
誓不可媚凜然尺疏天經地義其在圍城廷爭愈亟  
身任綱常沫血裂皆言不見售禍以茲崇抗直虜庭  
畧不為愴見義忘生如飢得食鴻毛並擲民彛是植  
邦衡信國千古一致華夷所欽竹帛所記海東一域  
賴茲無媿豈惟正氣天均賦畀亦我列朝培養攸暨

寧陵有志表章備至復雪之事將舉以次雖未大伸  
亦當一治世道既降塞路滯設春秋一義為時諱忌  
風聲浸遠天心猶醉肆惟皇考式善繼志駕次溫泉  
慨然興喟瞻彼飛鴻忠貞之隧賜祭創祠命于其地  
棟宇垂成弓劍先墜感古撫今益愴予思予惟三士  
一體同事其所成就莫相軒輊在今崇報寧或同異  
茲許服食俾從厥類猗其盛哉義烈斯萃秩其無文  
璇額以賁非予之寵寔惟先意赫赫者靈庶歆斯解  
惠學書院賜額文

景宗主寅○掌令李  
世龜獨享○洪州

憲憲文忠大名光垂曰有聞孫天子醇姿仁孝友悌

為德之基莊靜嚴密惟道是資謂鳥兩翼即行與知  
大道妙奧至理精緻悉力研鑽氷釋難疑一反以躬  
培根及支伉伉勇踐餘數十暮靡靡末學患在外馳  
非不燁然去道邈而獨專內省誠篤自持誠之正之  
必審其幾彌勤屋漏矧有忸怩闇然成德自著光輝  
優優三禮節文琴絲究極源流補贊闕遺有來撞筵  
判若營著未率嘉惠尚見範圍問學政術初非兩歧  
或拘一偏實用則虧惟其心得用隨體宜先之於家  
綱舉目攝追遠敦親九族歸依人道大備合為世規  
出而尊庇可咸厥施功澤之及曷可量斯穆然其操

儼乎其儀歛藏若虛涯際莫窺出處何心惟義之隨  
進非干祿退豈忘時畎畝憂愛怒如調飢弓旌屢至  
介石難移霜臺雷肆有命輒辭小試絃歌聊且居卑  
發政行仁皆道之推爭來摳衣填溢講惟民勸孝讓  
士飲書詩暮月之化沒世之思洪山騰騰俎豆在茲  
恩額曾降棟宇有暈眈予寡昧縱屬風期過庭之聞  
觀厥教兒那作九原佐我文治肆遣春官式薦洞庖  
尚歆孝誠毋予有違

黃江書院賜額文

知製教曹  
命教製  
英宗丁未  
權尚夏獨享  
○文純公  
○清風

倚我列聖治本純王丕闡箕叙于華有光群儒蔚興

考亭咸遵左海千里斐然河閩文正洎純倡之在前  
繼有文成體用最全文成再授得華陽賢而後嫡承  
寔惟我卿卿質純確天則篤生以弘以毅其任不輕  
聞道既早親炙有年性命大原眾知微權披經熟難  
契若磁鍼歷堂而室造詣則深造其傳衣願言相托  
天地其心曰惟一直終古賢聖要訣在茲萬東茅屋  
義起猶遲紫陽全編未究餘疑後死之責非爾誰期  
卿乃服膺罔敢或墮若擔在躬始終以之禮成薦苾  
功就析毫大義彌著微言克昭矧惟集義勿助勿忘  
浩然吾氣養得純剛視履其旋無愧師指前後一心

秋月寒水道尊儒林遐邇矜式敬若蒼龜仰如星嶽  
寧考注想屢勤弋宄邦有大疑輒遣諮決有踵邢七  
倒戈門墻種性有自信義郎當群憾附麗禍烈猛洪  
卿為此懼嚴辭力攻其造讎視有訟多口身困道亨  
於卿何有天意俄回盖有默契是非大定日星昭揭  
勿撓之訓垂千萬億斯文永賴繫誰之力駕幸溫宮  
予叨陪衛尚記弓旌蓋殫誠禮褐衣黃髮半日前席  
執手數心曠古殊渥卿惟感激密勿其對慨念周京  
申復衛戒仰勉祖烈俯繹師言恨未載後上眷深敦  
遂造夢卜佇延考造起遲耒釋慟先弓抱方制甫練

下從斯遠想像英靈左右仙馭時運之厄奈彼魑魍  
卿則俯視當笑其妄屬予初服還誥授謚凡係寵章  
靡不加意群邪屏息吾道增輝豈予敢多燕謨之貽  
惟彼黃江乃卿攸芋衿紳睠懷紀事是圖爰即齋芻  
亟勅重欄蘋藻有潔載侑載安有山辟立其水清漪  
典刑永存勸慕不衰肆頒華額兼葭薺肥卿如不昧  
庶其歆斯

知製教李  
箕鎮製

表忠祠賜額文

英宗辛亥○贈左贊成李鳳祥贈  
兵判南延年贈兵叅洪霖并享○

西原

人亦有言巡遠興唐匪曰穢賊抗義扶常盖此臣節

用植君綱維持世道至正純剛臨危得力賴以不亡  
其在戊申愈驗愈彰蠢彼凶孽稱亂湖疆指日渡漢  
聲勢鷓張忌我干城屹為巨防燭暗油幢禍起蕭牆  
亘古之烈又李侍郎忠武有後展也肯堂偉哉南八  
同在睢陽予不識狀忠自撐腸罵賊如狗奮不助勦  
草勁疾風節凜秋霜誰之抱帥乃以身當人方納賊  
已獨嬰鎗無位無責不死何傷得之天賦捨命赴湯  
維時多難義理不章大族投附列郡觀望微爾三節  
人紀將喪頽倫復植王室用匡萬世有辭日月爭光  
愍典備舉俎豆未違士論不泯規所桐鄉領額以忠

示予表揚風聲永樹山高水長一體同紀陳此洞觴

忠烈祠賜祭文

當宁甲辰○忠愍公  
林慶業獨享○忠州

聖作春秋揭大一統百世以俟九鼎之重太歲涖灘  
我國東魯皇道草鞠義士髮豎岳旗蘇節曰龍灣尹  
間氣山河為時豪俊仗劍北睨擊楫東出龍韜合變  
鯨海蒼濶鏡鼓中流踔過登萊一抹紅雲千里金臺  
陰陽戰野無奈乎天內訌外喝若鴻毛捐滄桑幻劫  
竹柏膺褒因卿一辦箕封遂高伯兮殉孝亦旌其間  
牲醴秩祀遶水遺墟英魂壹鬱怒濤千尺風馬星奔  
尚歆大爵

內閣知製教  
尹行任製

文苑補後

三十一

賜額文

十九

賜額文七

院祠嶺南

吳山書院致祭文

光海已酉○高麗注書吉再獨享○仁同

藐予御極扶植名教匪為觀美實勸忠孝念昔麗季天命已維皇矣聖祖肇造丕基濟濟殷士奔走裸將一介斯人獨保首陽朝承鶴書夕反舊棲至治方隆下有夷齊歲寒松栢挺然不渝拳拳累朝贈爵極孤列聖之意貞臣之節并行宇宙轟轟烈烈在于後嗣益深傾仰臨朝咨嗟夢寐精爽瞻彼吳山曰維其藏樵蘇不禁丘壠就荒為我心惻茲遣廷臣瞻視堂封肴醴具陳三綱所係萬世作程

神肯少留惠以光明

澹州書院賜額文

顯宗庚子○吏曹判書盧楨獨享○咸陽

維嶺之咸儒風蓋遠維昔之賢有鄭文獻文獻既亡孰聞而知惟卿德懿士林宗師恂恂其仁衍衍其資金精玉溫嶽峙淵停少襲庭訓佩服朱銘長益莊修飭躬明經惟其至行孝為百源惟其博學既敏且敦篤倫秉禮實出天性覃思力踐一本賢聖操履堅確容止閒雅踈不飾貌昵不設情羽儀于廷燁燁其光卓乎標望煊矣文章進禮退義朝野以則安危所係顯晦斯卜行礪于頑教警其蠢遺範不墜餘徽未泯



矧惟掉楔表其井里天嶺之下玉溪之後有翼其祀  
于舊宅址多士攸奔以象以儀迄六十年若始附時  
粵瞻其額尚闕旌號爰錫嘉名爰示恩褒其祠雖舊  
其揭孔新茲遣禮官用薦精裡有誠必通尚格于神

三溪書院賜額文

顯宗庚子○忠定公  
權檢獨享○安東

粵在先朝運際千一登崇俊良穆穆布列受知卿最  
早蒙榮擢玉立朝端摺紳矜式休休好善君子有恃  
譽譽盡節期死後已雖遭顛沛忠勤愈篤位躋貳公  
爰立望屬直道難容未免媚嫉白首去國丹心戀闕  
忠貞抱寃遽驚賦鵬哲人其萎士林嗟惜公議之定

不待百年哀贈備禮榮及九泉睠茲南鄉追思舊德  
寓敬有碑過者必式乃營祠宇瞻依有所於焉安靈  
式陳俎豆青衿請額封章籲踴矧予嗣服寧緩寵褒  
今茲賜踴兼行紀典恨不同時冀歆椒奠

紫溪書院賜額文

顯宗辛丑○贈執義金克一贈  
都承旨金駟孫贈應教金大有

并享○  
清道

士有百行孝為之源孰無良能鮮克恒存太上曰德  
次之立言世罕兼有今出一門節孝倡業先立本根  
子職是恭秉彝之敦志物之養無愧參元嘗劑之誠  
黔婁並論泣血廬墓徒步晨昏行感神明化及鷄豚

文苑叢書 卷三十一  
二  
猛獸且格來衛丘原有儼掉楔表旌厥村莫如齒德  
是謂達尊遺一於三貽厥後昆卓矣吏部妙歲騰騫  
發軔師門負望詞垣奇才博學衆口同喧蔚為國器  
夏瑚魯璠趨義之勇有過黜賁史筆媒殃孰察戴盆  
禍慘東市千載之寃志士興嗟哀淚均痕正氣不泯  
撐拄乾坤薇垣趾美既直而溫鄉黨咸推寔先揀掄  
束帛之聘有責丘園賢良策士善類是援與奪何預  
時有亨屯彭澤歸田邑民攀轅優游水丘三芝名軒  
沈冥韜晦駟名徒煩樂在自適誓不素餐遺躅尚在  
鄭鄉謝墩緬仰三賢建宇山樊春秋俎豆章甫來奔

一堂昭穆叔侄祖孫藏修有所多士欣欣曠世興思  
碩人不讓錫以嘉額侑以椒樽享祀攸同永妥精魂

知製教李  
殷相製

龍門書院賜額文

顯宗 岳黃 ○ 文獻公 鄭汝昌 主  
享判 快事 林薰 參奉 林芸 配 享

文簡公 鄭蘊  
進享 ○ 安陰

惟嶺之南我東鄒魯名賢輩出大闡門路曰惟文獻  
允矣先覺幼有奇質率人敬服德器早成體用兼備  
施自家造化行鄉里講磨師友倡明絕學造詣既精  
踐履之篤一第不屑恩諭荐降蘭臺秉筆胄筮侍講  
暫出武城俗躋熙皞民曰父母士為儀表此其少試

厥施未究史禍孔慘孰免羿毅風霜塞北七載竄逐  
天胡不憖遽摧樑木不待百年公議乃伸易名錫爵  
禮典惟新服食文廟建宇桐鄉孰無觀感過化逾彰  
積善林門二難繼作伯有盛名夙膺簡擢孝源百行  
問有恩旌駟名賜對兩朝殊榮屢典州郡治尚清靜  
條陳祛瘼耄艾歌詠年高德邵恩賁增秩馳譽賞藥  
禮優問疾季方匹美世稱聯璧宏博之學孝悌餘力  
國有寵章行誼是獎有儼掉楔屹然相向薄游京師  
見推名流迹混風塵心在水丘一官棲遲荏苒日月  
抱負莫展齋志而沒卓爾吏部氣緊磊落勇於去邪

其守也確事閔彝倫義絕師生忠疏凜然可質神明  
鼎鑊是甘縲絏奚罪聖祖中興名自嶺海明廷羽儀  
風裁自持圍城執鞫守經不移剗刃於腹志決取義  
事同吞腦神扶不死遁跡人間棲身土室無覺無聰  
與世相絕清名大節克保終始存沒哀榮俯仰無愧  
十室忠信古聞今見前後儒賢咸萃一縣不泯者存  
善政遺風春秋俎豆享祀攸同華扁尚闕有欠褒揚  
恨未同時寤寐不忘曠世相感懔懔如昨茲循群請  
錫以嘉額仍遣禮官式奠椒觴靈其不昧庶歆寵光

知製教李  
殷相製

文苑補後

卷三十一

賜額文

二十一

忠武祠賜額文

肅宗癸卯○忠武公李舜臣獨享○南海

粵在萬曆島夷肆虐謂天可射嫁禍屬國蹂躪八路  
宗社旒綴孰壯其敵手挽中否惟靈挺出義烈焱厲  
少也特立確守貞介初乘一障威愴區脫擢帥南服  
鎖鑰有截寇賊豕突列鎮風靡惟時雪涕投袂而起  
始選玉浦如朽斯拉前後嘖鋒幾騰月捷大膊蛇梁  
貴將獻馘船翔伏龜機秘莫測飛丸迸脰顏色不改  
斑衣氣燄腥血漲海若防制水咽喉是搯南土不聳  
狡首死咋既奏膚功統督肆界遠中搆嫉代斲血指  
再拾灰燼麈糟劇賊名徹帝庭符印寵錫交歡天將

倚角殘孽賊窘而逃露梁斯過挺身跳盪賊乃蟻潰  
鼓音未衰將星忽墜遺戒編禪奮旅殲敵餘威震蕩  
氛縈清廓予懷若人寤寐想像烈烈其光炳煇穹壤  
蔽遮東南以基匡復力排和議大義昭晰惟巡在唐  
暨岳于宋作配古人口忠曰勇載瞻南海遺蹟未沫  
波濤鬱怒精爽如在安靈有所棟宇重建風聲攸暨  
孰不思奮惟我先王拊髀興感麗牲有文特經宸覽  
茲揭顯額侑以肴醴保我邊鄙靈其不昧知製教金萬基製  
虎溪書院賜額文肅宗丙辰○文純公李滉獨享○安東  
卓矣君子維其全德業成行修躬踐道積洎餘波

實通黜域伊川步武考亭繩尺造詣既深泮礪采篤  
中和外英義精仁熟珠完玉瑩不見臺際退然自居  
陶山一麓朋來自遠不倦頌祝誘掖提撕禮約文博  
鐵網玉匙啓發導迪各滿深望寒裘飢粟玉韞輝山  
蘭香出谷鳳下覽德鴻飛漸陸際會宣廟水爰投石  
羽儀明廷百僚矜式卑讓避名謙虛受益或諮或諏  
燭照龜卜有裕進退不差語默陳錫六條志在先格  
十圖之劄平生心力聖學工夫炳然在目樂行憂違  
終返初服徒勤寵禮莫回遐躅未展素蓄先摧樑木  
世教日微聖路將塞繼往開來誰其任責先王重道

公義是植享茲文廟追慕無數遺化在人尚多私泐  
乃相與謀場焉是築予以安靈制遵白鹿配以兩賢  
先垂千億或蘊德行發為功績或造高明濟以忠直  
譬若顏曾宣聖是服罔罔侃侃左右侍側資益礪磨  
壽我道脉不孤有隣士林增色俎豆莘莘庭際肅肅  
予想其人九原難作茲因齋額錫以佳額虎溪之陽  
神之攸宅不昧者存庶歆洞酌

虎溪書院賜祭文

當寧辛丑

維嶠之南泐氣磅礴鐘鐃得群賢苑然岡洛允矣先正  
拔萃出類早歲文垣倒屈幡幟斂華就宗性命天人

工由志篤學因質純曾省顏克孔思周情動遵規獲  
展也大成穆陵好賢待以賓師丘園束帛禮敦詞卑  
田龍利見將普歛施道有屈伸出處惟義蒼珩赤芾  
匪我思存孤守東岡獨寐寤言文在考亭左右逢源  
毫分縷解心潛四七堯舜吾君夢繞丹闕圖維陳十  
劉亦條六聖主曰咨眷遇彌篤老去經綸寄我松菊  
道接千聖化止一方人薰鄒魯屋此黌庠不姓不誦  
曰吾先生親上敬長禮讓靡爭百年議公文廟躋裡  
式于百世曠我萬民尚有典刑俾予起欽敬披遺集  
悅對靈襟陶山入望繪素寄心水流武夷寓古安樂

巖壑不改几琴如昔緬想高風恨不同時爰命近臣  
齋香潔酌曠感之懷庶其敬格

內閣知製教  
鄭東浚製

西洞祠賜額文

當宁丙午○文正公  
金尚憲獨享○安東

山河毓英篤生文正辨嚴尊攘學貫性命進退污隆  
鐘鼎山林時乎麟出為郊人擒執勒江漢月圍荒堞  
誰藉虜唱敢貳帝德彼其東窓我則南冠殷師明夷  
以蒙大難裂我國書真胡卷舌肯遣偉幹丐草間活  
止海燕市啖糗垂帶忠信攸暨蠻貊無奈天地陶輪  
靈光獨存脫屣巖廊束帛丘園昏衢日星衡宇木石  
西澗之山以節以履西澗之水可濯可詠八表同墊

一區斯淨天彝不涇維公之風夙予愾想惜未遭逢  
晚矣嶺疏傑然祠扁于是蘋藻式揚墜典人士揖讓  
肅欽觀瞻觀瞻伊何懦立頌廉西澗之宅山高水長  
箕尾降神尚歆洞觴

德林書院賜額文

內閣知製教 尹行任製 肅宗丙辰○文忠公金宗直校 理鄭鵬文肅公鄭經世并享○

寧開

學貴傳道紀重報酬尊享儒賢厥義非偶蓋此明德  
與生偕有慾蔽而昏或夷以黷允矣君子先覺覺後  
遺風百代咸賴啓牖功大斯文禮宜俎豆言念本朝  
醇儒代邁猗歎金公蔚為稱首英華外朗勁操內守

式是多士共推頌袖沉潜翰墨真見早透肇修古道  
思全抱負歎深戈春爰舉德輔圃冶餘業是數是懋  
文敬文獻門第之秀九原難作奇禍仍邁世遠采光  
名不可朽落落鄭公馳聲隴畝親炙明師妙訣是受  
案上一圖理義淵藪造詣既深精蘊畢究蜚英玉署  
羽儀朝右行藏有時括囊無咎倦鳥歸林閒雲出岫  
耽靜味道離世疵垢丁寧聖諭渭翁莘叟懷寶自晦  
內省不疚懿哉文肅華問夙茂伊洛真源有傳有受  
鐵門玉鑰洞達開紐踐履純篤無愧屋漏受知聖祖  
注意隆厚格君為任有謨告后密勿經幄剴切章奏

位以冢宰與望斯副贊襄新政文化是佑明體適用  
道則不苟願茲三賢垂輝永久青天白日輝耀宇宙  
化今昭來師道攸就講帷當時青衿輻湊至今南士  
景仰山斗議及崇奉辭同萬口邈彼甘州院宇新構  
睠予興懷於焉有取恨不同時待以賓友載錫嘉扁  
俾聳聞觀牲帛備儀嘉粟其酒不昧惟靈尚垂歆臭

知製教李  
女錫製

禮淵書院賜額文

肅宗丁巳○忠烈公郭楚忠  
翼公郭再佑并享○玄風

粵歲執徐夷獮邦城有烈丈夫義發討賊先據教舍  
庸壯兵力守無不完戰無不捷南土賴保江賊競懼

紅衣天上良馬軍中或山而野或西而東霆駭風翻  
人以為神以庸加秩恩諭屢宣金章紫綬于牧于府  
橐兜戟纛以統三道功成拂衣瑟瑟其居中興三策  
幽朝一疏謀猷克壯倫常以植詩書之將淵源之學  
百世間風孰不歆式黃石之階亦曰有人其人揭揭  
服禮冠仁莅茲一方恩浹于民逢時之虞揭義單誠  
主將潛遁賊乃踰城隻手凶鋒死也為榮之子之女  
亦既孔臧各全其節烈烈齊先先朝褒贈次月高班  
予懷二臣忠義一門邈矣桐鄉屹然其堂英魂毅魄  
於焉是寧瞻依有所黍稷惟馨額踴有闕可無寵錫



儀曹故舉儒臣之白茲遣禮官酌此洞酌吳提昌製官副提學

浣溪書院賜額文肅宗庚申○大司成金堤獨享○居昌

於昔中廟寤寐英弼陽德方亨拔茅貞吉疊疊文正揚于王庭厥惟同志時則有卿繫卿之生天賦間氣質有其文彬彬君子蚤歲聞道學以為己志慕古人脚踏實地根柢洙泗型範洛建直契妙旨拙關發健勘研既精操履愈固敬立義行明通公溥動靜交修表裏如一直方以大卓然自立道積于躬令聞大噪登名薦剡郎署臺府窮養有素達可兼濟朝野延頸想望風采賢科丕闡直道斯通十行華袞曠代遭逢

展武亨衢麟出鳳儀翱翔玉署密邇經帷原明奏議汝南風規引君當道陳善閉邪正色在朝廉頑立懦擢長賢闈為士宗師口講指授扶微啓疑化成菁莪士飫書詩契合采隆謀猷克嘉庶幾展布糠粃勛華薰蕕異臭左腹煽慝零虹蔽日蟻弩潛發慈梓竟投禍機孔酷斯文陽九念之於悒衣帶中疏字字腔血炳然忠悃神明可質惟乖於人所能者天有定必勝不待百年嗣聖憑几末命斯惻伸卿寃枉復卿官爵穆陵御極公議再晰誅奸旌澌凜乎斧鉞璿系之誣卿嘗奮舌及夫既滿追紀勲籍流風未殄士林遐慕

于以建祠于湖之右棟宇輪奐有儼恩額春秋匪懈  
享祀靡忒眇予寡昧夙懷英姿高山仰止恨不同時  
睠茲嶠邑致命之地陳迹猶存父老興喟安靈之所  
亦既翼翼于今四紀賜踊有闕闔境重繭申籲至再  
爰命春官亟遵恒制載錫華扁用薦洞酌慰彼章縫  
敷我幅悃九原有知歆此孚誠式振儒化啓迪文明

大提學吳道一製

周溪書院賜額文

肅宗癸酉○吏曹參判具鳳齡  
主享執義權春蘭配享○安東

蔚彼南嶠賢士彬彬曷不杰然惟福有人力學追古  
如渴求仁載摳其衣師事文純益大用功繩墨是遵

咀腴嚼髓道積于身深造精詣不疵伊醇遂闡巍科  
為世名臣藝苑鳴雅經幄演綸直觸奸壬風裁益振  
持公佐銓席不遺珍舉世蟻趨而獨守真衆人詭隨  
而不淄磷肆我宣考獎諭諄諄其獎伊何學邃行淳  
軒冕匪心進輒逡巡超然獨樂于洛之濱圖書左右  
邠窩長春心存啓牖化洽衿紳獨蓄於壽天不眷民  
亦厥憲臣志同道均優游函丈薰炙惟親其所劄著  
善諭循循羽翼斯文開發無垠末學聞風景彼遺塵  
於焉俎豆奉以精禋同祠配食德即有隣尚闕嘉額  
邦禮未伸章甫齊聲來籲重宸緬溯風烈興慕如新

文苑補遺

卷三十一

賜額文

三十一

恨不同時資迺陶勻克舉曠典爰卜吉辰茲遣禮官  
耆醴斯陳尚予歆格不昧者神

屏巖書院賜額文

肅宗壬午○文成公李珣文  
元公金長生并享○青松

我東之學寔肇于箕群賢輩出代各有之文忠倡明  
五賢繼起斯道一脉賴以罔墜於惟文成應期挺出  
天分高邁金精玉潔不資師承妙契默識真知實踐  
造詣超踔理氣有辨毫分縷析發前未發衆難氷釋  
聖學有要燦然綱目修己治人百世是式遭際明時  
身任致澤朝夕履繩志在啓沃非道不陳姚姒為則  
進退行藏惟道是偕允矣成德士林模楷亦越文元

文成是師曾氏子思朱門勉齋學業醇正深造閭闈  
操心制行表裏洞徹循蹈規矩尺寸不失尤精禮學  
究曠密微叅酌古今不差毫釐情文大備信若蒼龜  
以緒則正以功則巍所以鴻碩多出門牆嫡傳相承  
若周而程睠彼青鳧其地雖僻或因訪道於焉嘉客  
或以幹務驅馳于此過化之妙無間遠邇猗嗟兩賢  
前後留躅事既非偶人尤慕悅歲月雖久傳誦不衰  
多士興起髣髴振衣揭虔有所邴邴廟宇青衿將事  
有踐遵豆崇德象賢國有常典庸樹風聲載宣華扁  
茲遣禮官酌此洞酌不昧者存尚冀是格

正言李  
宜顯製

冠山書院賜額文

肅宗辛卯○文穆公  
鄭述獨享○昌寧

鄒魯名鄉寔維南紀山川間氣磅礴鐘異真儒代出  
道乃不墜式闡大猷賁飾文治卓卓惟卿技乎其萃  
資性英睿得天之美寒暄外裔濡染有自髫齡志學  
已通大義孜孜講業不怠終始靡慕聖像出入仰止  
質疑陶門見許大器心潜道腴脚踏實地真積力久  
德全行備發為文章彪蔚純粹禮說心經續奧抽秘  
誘掖後進士林興起經濟之材學優則仕受知穆陵  
出應聘旨賜對頻繁禮遇勤摯歲規密勿虞夏孔邇  
名不虛得玉音嘉爾歷試內外勤遵儀軌至誠奉公

艱險不避挽回世道乃其素志難進易退不大厥施  
曩值昏政藝倫斃前後危言劄肝為紙直氣凜凜  
霜雪可此忠不見信目以橫議灰心綏冕歛迹田里  
憂時一念耿耿靡弛伽山忽頽木稼于泗哲人其萎  
志士有淚崇賢尚德有國美事肆惟列聖褒典屢示  
三孤寵贈二字榮謚予邈風聲曠世興喟睠彼夏城  
卿昔出莅文翁儒化四境均被闢帷冠山講道於是  
振衣函丈濟濟多士薰德善良知幾人矣遺澤尚存  
尊慕不已揭虔安靈俎豆以祀顯額猶闕餘七十禩  
章縫叫閭有請宜遂爰錫嘉蹄俾聳瞻視光增棟宇

名並流峙穀朝是差薦以盍盍靈如不昧庶幾歆此

副司果金始慶製

崇烈祠賜額文

廟宗辛卯○貞武公崔震立獨享○慶州

名以清聞節因危見嗟乎尚矣惟國之彥投筆初年

發跡大奇兩朝恩禮千載風期遭時多難并服渝盟

龍潭虎窟缺

創廢未泯北哨又及天移黼座

月暈危堞元戎赴師謂卿老矣主辱謂何寧不我以

鞭馬先出莫奪其志八尺如植有死無二光爭白日

氣凜秋旻始也奮義終也成仁其義其仁以歸視死

何所無死得死難耳忠節無兩太史書策亦旣旌閭

亦旣褒爵暄涼丘宇架身烈跡式遵故實錫以丹額

予方拊髀九原難作英魂髣髴昭此洞酌

副司果沈仲良製

西山書院賜額文

肅宗癸巳○正言李孟專贈史參趙旅直提學元吳贈執義金

時晉進士咸聘壽贈執義南孝温并享○咸安

尚德褒賢必以廟祀風聲用樹世教有裨念我先廟

應運龍飛堯傳舜受天與人歸然惟氣節盛於斯時

時有六賢秉志不移晦迹鉤磯舉自有詩沒齒自廢

竟扶倫彛閉門松村謝却親知不就恩名彌堅操持

焚書華岳潛混髡緇迹佛心儒人莫測窺投身壠畝

燭未然幾托盲終老貧居自怡坡山屏處不到京師

海外清夢白鷗相隨昭陵未復永辭禮闈登山痛哭  
論激言危高風凜烈義名同垂俎豆以奉微斯而誰  
睠彼洛東踰傳伯夷事類讓粟名符採薇矧惟臣旅  
茲土棲遲地存遺蹟士挹餘徽一堂齊享有廟祈祈  
章甫崇報實責於茲爰采士論亟命有司曰予頃歲  
肇舉絳儀成朴諸賢一體饗之今茲合祀於禮亦宜  
特賜華扁俾煨柱楣首陽清風萬古不死抒辭侑酌  
神其格思

知製教鄭  
維漸製

忠烈別祠賜祭文

肅宗甲午○僉使鄭樞郡守趙  
英圭儒生文德謙并享裨將金

希壽宋鳳壽戶長宋伯樞入申  
汝槽府民金祥翼配享○東萊

汴社芬苾愍忠遺儀崇揚俎豆尚節美規風聲所樹  
賴扶民彝嗟爾八臣效死臨危緬懷當時尚忍何言  
賊艦飛渡卉服雲屯一隅孤鎮月暈重圍捨生取義  
視死如歸傍郡守宰泣訣慈母馳入危城猶恐或後  
校宮生徒侍立聖廟儒冠齊整不離跬步或列編裨  
或係吏民駢首受刃殉國以身矧伊儻從中道造返  
義切死長同赴國難堂堂大節日星爭輝凜凜遺烈  
勩在殘碑邦民景慕采久不衰守臣買區以拓新基  
爰謀爰勅廟宇邗邗三忠並享五節同配萬古綱常  
庶幾不晦肆依狀聞亟命有司粵我先朝亦以建祠

宋盧兩賢一體享之今茲合祀於禮亦宜因薦華扁  
加以一字捐軀既同揭額寧異祠屋隣近是假是饗  
忠魂毅魄想像來往遣官設奠侑以哀詞不昧者存  
尚冀格思

兵曹參議  
尹憲柱製

興巖書院賜額文

肅宗丙申○文正公  
宋浚吉獨享○尚州

天眷斯文真儒有作清明溫醇精金美玉志道既早  
養德孔粹疇其輔仁大賢並峙共承師訓探溯淵源  
麗澤磋切踐履貞淑和順所積光華外徹曷以形容  
春風霽月時當丙丁冠屨倒置歛藏愈密日講道義  
懷寶潛光出處以時聖祖撫運志大有為俱膺旌招

契合昭融若對芝蘭天褒斯隆協贊訐謔啓沃密勿  
理欲之幾王伯之別劄論懇激幄對剴切尊攘之義  
昭揭星日逮我先后禮遇彌篤開濟兩朝殫竭忱幅  
予在冲年執經离筵至誠導迪警誨諄諄精一心法  
提掇尤勤天不憖遺哲人其萎國亡著龜士失宗師  
俯仰人代垂五十年否泰消長世道屢嬗義理寢蝕  
異言朋起百怪紛紛何所不至噫嘻巨慝為禍之根  
卿燭其惡斥之最先及後郎當卿言果符誰為黨助  
乃反陰扶巋然一老隻手以闢闢之既嚴潛釀其毒  
門牆之變終至倒戟邪說橫流正道淪晦卿若有知

寧不惋慨今予大覺殆天所啓明辨痛斥是非昭晰  
 予惟兩賢其道攸同痛癢屈伸一理流通感悔方深  
 追念益激表章之舉烏可闕一睽彼商山有廟其屹  
 一派伊水迥接華陽雲烟莽蒼英魄洋洋矧茲南土  
 士趨靡常風聲所樹寧緩褒揚手書華扁寓予深誠  
 特命近侍賁揭門楹侑以馨腍式尊裡祀今茲寵典  
 夫豈偶爾一意尊敬明示千禩詖淫永熄吾道增光  
 靈其願享啓佑無疆

知製教魚  
有龜製

黃巖祠賜額文

肅宗丁酉○忠烈公郭遠忠  
毅公趙宗道並享○安義

粵在龍蛇島蠻肆虐凶鋒害氣亘滿八域生靈糜爛

國勢蕩折將首鼠態士為歟匿百年培養節義靡覲  
 肫肫碩儒獨善為樂忘世豈果循國所畜奮身書帷  
 託跡戎幕贊佐主將實多裨益藩臣上勞乃命以爵  
 理粟賑飢流惠蘇疫峽邑分竹缺恩涵信孚  
 闔境載德逮夫赤鷄凶焰再矍瞻彼山城巖巖其石  
 險固可憑咽喉可扼治壕繕堞積械儲食寇之既薄  
 戰守益力殲兇報國奇勲在即匹夫偷生事去禍作  
 南樓鼓死北門鎖斷胡床盤礴一任魚肉正氣凜凜  
 大節赫赫求諸今昔誰與為匹維時有臣並埒忠節  
 磊落素性爽宕奇質襲訓法家講業隱哲早科題名



僉舉紆秩歷試外內華間彌蒞鐵石其操冰玉其潔  
平時所養若彼卓越洎當危亂成就尤烈約友倡義  
飲泣沫血尺檄生風忠憤激發行宮消息滄傳匪實  
臨江一哭萬尋蛟窟惕惕赴之人以手掣在處兵荒  
績茂縣紱忠貞策著勞勩靡一黃石之變郗忍再述  
許人以死不渝其說白刃至前視如裘葛杲卿危忠  
睢陽雙節嗟嗟兩臣卓乎樹立命秩旣崇旌褒並及  
獨恨祀享於禮未懽縣廨行事實近褻狎減土缺祠  
大欠儀法繡衣一言採論二邑事關激礪寧靳允答  
武谷窈幽新搆業業庸錫恩扁殿侑斯合死則同城

祭奚異閭英魂毅魄相萃爽颯茲遣禮官奠以毛鬣  
不昧者存歆顧之捷

社議韓製

文苑補遺卷之三十一

文苑補遺卷之三十二目錄

賜額文八

院祠 湖南

旌烈祠賜祭文

羅州

忠烈祠賜額文

南原

旌忠祠賜額文

南原

月峯書院賜額文

光州

旌忠祠賜額文

古阜

筆巖書院賜額文

長城

華山書院賜額文

益山

竹林書院賜額文

彌山

義烈祠賜額文 光州

忠節祠賜額文 靈巖

松林書院賜額文 務安

南阜書院賜額文 泰仁

寧川書院賜額文 南原

道源書院賜額文 同福

眉川書院賜額文 羅州

鳳巖書院賜額文 臨陂

考巖書院賜額文 井邑

武城書院致祭文 泰仁

湖谷書院賜額文 長興

露峯書院賜額文 南原

大溪書院賜額文 寶城

松山書院賜額文 昌平

龍山書院賜額文 寶城

鹿洞書院賜額文 靈巖



文苑黼黻卷之三十二

賜額文八 院祠 湖南

旌烈祠賜祭文 宣祖 丙午 〇 倡義使金千 鑑主 享

牧使林檎追 享 〇 羅州

疾風震蕩勁草可見火焰颺烈貞玉靡變惟卿忠義  
乃其素積蚤服師教志勵行篤薦以遺逸遂揚于朝  
敢言直前矢死不撓貌雖不揚志堅如鐵為義之勇  
賁育焉奪粵在龍蛇島夷狂獮凶鋒所指八路糜潰  
龍馭西狩兩京灰燼捍失藩壁固無涯岸卿時屏居  
忼慨灑泣奮臂一呼有衆雲集進軍隋城敵衆我寡

潛師夜襲賊銳稍挫間途走裨達我行宮曰嘉乃功  
賜號褒忠賊據漢京卿在甲浦譬曉逆順我人日附  
耀兵揚花蒙衝四百進為聲援京師遂復哭廟丘墟  
雲曠風匝賊退而南命卿追躡晉介嶺湖為我控隘  
卿入以保以遏虺毒月晦誓眾義士同仇歸師環攻  
援絕虵蟄編竹替櫓砲穴中翳敵規東隅有發輒殛  
肩輿巡勞手糜哺士城危一髮人無叛意積兩堞壞  
賊乃乘之轟石樓下水流瀾瀾卿拜向北臨死益暇  
卿有賢子從卿命舍投死如歸水為沸咽嚙亦壯士  
巡遠之八城雖陷敗國其有賴遮遏兩藩伊誰之勩

聖祖褒贈示以愍恤指揮之誅為卿增重卿之倡義  
實自錦城士民慕傷起祠安靈歲月寢遙遵劔岡急  
有奏于筵有興予嘒睽彼晉南事如雲水想像遺烈  
英魂不死爰命近侍薦茲芬苾魂如不昧尚亦歆啜  
忠烈祠賜額文孝宗癸巳○承旨鄭期遠兵使李福男府使任鉉防藥使金敬老別  
將申浩判官李德恢縣監李春元并享義士吳興業追享○南原  
未遇歲寒誰識貞標必待疾風方知勁草昔世底平  
孰非臣子遭時極蕩乃見節義烈烈節度世其忠勇  
識通諸史藝窮百中粵在丁酉島夷再緘危堞當衝  
凶鋒盡銳卿時秉鉞餓羸無干激礪忠義冒死向前

文苑菁華 卷三十一  
白刃如束視賊如兒張拳突圍飲血登埤壯士一呼  
天跳嶽拆睢陽千古成就卓卓防禦奮勇秋霜萬春  
別將慷慨烈日霽雲接伴奉使君命不辱都護半刺  
死疆乃職倫生可忍跳出非志殺身成仁古稱志士  
一介監務不識何狀忠能死辱勇能摧勁既塵石柱  
終殉孤城滅洪同日義從俱彰捐躬死國在古猶鮮  
士人之多乃今始見光爭日月氣作雷霆肆我宣廟  
克舉褒旌頭流之下帶方之墟有祠歸然俎豆所於  
多士頌義追慕如昨有來京師請賜以額屬時多壘  
予方拊髀顯忠寵死往政攸始追錫嘉名緬慰英靈

仍遣禮官式薦琴馨正氣之萃不以死亡歆此寵光

鎮我南方

旌忠祠賜額文

孝宗癸巳○兵使黃進那守高  
得賚贈僉正安瑛并享○南原

尚忍言哉龍蛇之亂列郡風靡有誰急難名臣有後  
天賦忠勇偏師奮義一方齊聲抗險死守凶鋒自却  
保障胡甸懋功授鉞提兵遠赴晉陽殘堞重圍路絕  
賊兵蚊聚夙夜登陴飲血暴露天胡不助將星先隕  
主師無人前軍劔盡亦有副將生凜忠節解綬赴難  
忘身殉國嬰城效死義勇俱烈矧惟書生忠憤所激  
白衣應募招討戎幕鼓卧旗折挺身就義一隅帶方

文苑叢書 卷三十二  
三忠攸萃馳爵以褒立廟以紀粵自先朝哀榮備至  
茲新祠額以慰英靈流岳左峙鳴水右經芳名萬古  
與之俱長衝霄有氣壯我南方遣官致祭式舉報典  
不昧者存歆此菲奠

月峯書院賜額文

孝宗甲午○文憲公奇大升主  
享文簡公朴祥文忠公朴淳文

元公金長生文敬公  
金集追享○光州

得天間氣為世名儒精金潤玉水月水壺訓襲家庭  
學則程朱氣蓋一世理括萬殊既博而約體用之俱  
卓見高識不依葫蘆早自超詣爰啓群愚文正之後  
道日榛蕪陶山繼唱實為根柢卿實左右接軔正途

師友之托若鼓於桴性理之辨若契之符德必有隣  
斯文不孤韜擯之寶不迷而沽出處行藏唯義之趨  
素履彌貞不替榮枯歸全揭庵頌人之娛覃思玩索  
味道之腴聖祖龍興賢俊于于拔茅彙征羽儀亨衢  
明良千載陶鑄唐虞風裁自持正論是扶輿究得伸  
卿時伏蒲引經之禮不儉不踰唐家山斗漢朝楷模  
餘事文章得自典謨草創潤色昭雪國誣責飾治道  
蔚為時需登筵啓沃曰都曰俞微辭奧旨剖析錙銖  
或著於篇或為之圖或陳於前誠則有孚任重經濟  
心在江湖南征未半有疾莫蘇醫問靡及哲人長徂

文苑叢書 卷三十一  
樑摧厦屋星拆天樞奪之何速今也則無厥施未究  
奈如天乎宸慟深增恩綸浚敷凌烟追繪有賁泉塗  
功在宗祊化及生徒眡予嗣服曠世興吁恨不同時  
可忘斯須論思有錄宜置座隅蒼彼佳兆山谷盤紆  
考槃之墟遺芳不渝建宇安靈多士之諏歲修有所  
浴沂風雩消吉揭虔式奠清酤神其歆此永安斯區  
旌忠祠賜額文 孝宗丁酉○忠烈公宋象賢武壯  
公申浩壯武公金波并享○古阜  
十室之邑必有忠信昔聞斯言今見三俊英風毅烈  
尚想其人享祀攸同不孤而隣白面都護既勇且武  
粵在龍蛇出鎮萊府一髮孤城當賊初程以就盡率

抗日滿兵劍及胡床端必不動朝衣再拜死猶止拱  
從容一札父子告訣義重恩輕字字其血蠻貊何知  
尚且封植精靈不泯凜凜如昨岳降維申為國虎臣  
遭時極蕩奮不顧身揚兵水戰臨敵出奇協謀漢師  
保我城池睢陽食盡南八死國書用衣傳魂以矢復  
令人景仰不識何狀義聲猶彰合施崇獎曰惟防禦  
有膽如斗勲勞夙著翊戴聖后丁卯之亂禍慘晴川  
危堞當衝疫卒無千偷生可耻棄去非志終能奮勇  
秉炎投已父死於忠子死於孝賤妾何知亦以死效  
一家三綱不愧卞氏掉楔交輝哀榮備至瞻彼南郡



有祠翼翼毅魄猶萃過者必式多士追慕頌義無窮  
請揭以號群情乃同屬茲艱虞拊髀興思志在鉅鹿  
恨不同時顯忠之典王政當先茲遣禮官用薦豆籩  
靈應不昧共歆寵光千秋萬祀鎮我炎方

筆巖書院賜額文

顯宗壬寅○文靖公  
金麟亭獨享○長城

煌煌明哲夙挺殊姿九苞燦然儀于德輝際遇明時  
式贊弘猷直而溫如和不流金華玉署啓沃密勿  
責難陳善雍容吁咈天胡降割二聖繼陟陰邪闕然  
伺隙煽慝君子明夷兆之以休進退隨時與道俱謀  
見機而作不綏終日棲遲衡泌碩人之軸龍蟠鳳逸

抱德懷貞戀君一篇金石精誠身雖在野忠豈忘心  
清風峻節百代之欽鄉人起慕建祠安靈俎豆時修  
未有嘉名爰錫之額真此菲薄爽靈不昧歆予泂酌

華山書院賜額文

顯宗壬寅○文元公金長生主  
享文正公宋時烈進享○益山

箕疇既遠圃翁亦沒百數年來晦盲否塞帝閔吾東  
篤生五賢猗歟紫雲道統是傳晦菴之學於是不墜  
孰得其宗曰惟卿耳重厚其質溫醇其氣爰自弱齡  
志在遠大襲訓名父培壅孝悌往從于師見而知之  
潛心經傳有契無疑人百已千力久真積見理既精  
反身彌篤會萬歸一由魯而得尤邃禮學三千三百

體用是該常變是究著為成書世人攸範穆穆皇祖  
寤寐賢哲弓旌相望眷遇備極經筵胄席動引姚姒  
筮龜于國模範于士學未大施卷懷空谷婆娑初服  
爰得我直左右琴書蕭然一室有來求道縫掖雲集  
遠近咸仰兜童亦知矧伊益州曾所棲遲政化如春  
感發善心去世雖久思德滋深追惟過化草木猶馨  
脩荒創廟揭虔妥靈有他其宮有儼其儀藏脩有所  
裸薦攸宜予常緬懷恨不同時肇錫嘉跽扁以華山  
遙遣禮官洞酌是陳不昧者存庶幾歆格佑繼後學  
永世無斁

竹林書院賜額文

肅宗乙卯○文正公趙光祖文  
純公李滉并享文成公李珣文  
簡公成渾文元公金長生文  
正公宋時烈追享○彌山

東方之學寔肇于箕賈邈千載鮮克聞知或誅于佛  
或雜以夷或昧其塗摘瑱于歧迨我本朝多士猗猗  
二三魁碩蓋嘗有之業未大焉見或偏而嗟我文正  
天與美資玉潤金精秋肅春蕤修身有則誠正是基  
格君有要姚姒為規尊王賤伯反淳黜滯正誼蹈道  
奚怵禍危亦粵文純卓儀玉墀晚益味學洛岡是希  
從容禮法究玩精微闢異觝邪鈎續證疑聖圖孔哲  
遺文永垂以緒則正以功則巍嶷嶷文成實際昌期

聖賢之學豪傑之姿道歧孔顏身許臯夔淳熙一封  
佇見允釐明道片言可調元熙理氣之辨有偉其辭  
不有真知孰契精思溫溫文簡夙尋正達家庭詩禮  
良友切惻敬夫元晦並出同時敦篤如參準繩猶伊  
立雪道尊時雨化滋出則禮進退亦義歸矧茲文元  
服膺二師程氏龜山朱門勉齋肫肫德性汪汪襟懷  
有挹其春萬物同嬉當其確然山岳罔移我述前人  
俾有光輝我折群禮剖闡無遺嗟我諸賢世或參差  
邇往啓來志道靡違祖宗養士寔盛於斯天之降才  
若將有為然究其終百未一施懣矣北門毒蠶藏機

邈彼陶山白駒難羈或困謠詠名高毀隨或者于德  
遭際其運道之難行天未欲治嗟我志士幾涕于頤  
所幸斯文終古罔墮微言未泯高風可追使我後人  
知有秉彝知忠與孝知辨義私况彼南士久仰餘徽  
或履舊躅或誦遺詞介于兩湖有廟邾邾千秋五賢  
一體同祠於焉藏修為之歸依頃予省巡暫駐湖陰  
歷修群祀以憲前儀爰舉闕遺以命有司有錫新廟  
俾煇柱楣秩其牲帛奠此盞庶慰儒衿崇報靡虧  
卿其有知尚並歆茲

義烈祠賜額文

大提學金  
賜青製

肅宗辛酉○都承旨朴光玉  
贈英判金德齡并享○光州

少

臺臺惟卿南國之秀績文種學譽聞夙驚利用觀國  
亨衢展武歷試登庸于外于內勁操直節偃蹇于世  
介石貞吉考槃丘園提誨後進縫掖盈門書史自娛  
若將終身歲在龍蛇島夷肆繡六轡西狩兩京波瀾  
之武告歸志切殉國杲卿起義誓欲滅賊老不執節  
在家給饋齋恨而致志士隕淚並世同郡有若翼虎  
自在童幼孔曉且武悅慨挺特夙抱壯畧蛇豕荐食  
國命如綴維時持服守臣薦達釋裘募兵馳檄列邑  
鼓以忠義勇士雲集大膊于嶠賊首膽懾隱若長城  
倚以為重盜言孔甘蠹弩潛中禍機之酷言之於悒

不待百年公議以晰孝廟昭冤哀贈焯赫遺風不斬  
邑人興慕並安英靈有佻新廟儒冠虎弁儼然相對  
精忠壯烈儼美千代眇予寡昧夙仰風規九原難作  
恨不同時廟額有闕廷臣陳奏既錫嘉扁且陳薄具  
茲遣禮官孚薦顯若不昧者存庶其歆格

大提學吳道一製

忠節祠賜額文

肅宗壬戌○贈參判鄭運獨享○靈巖

天植純孝粵自童孺拔身弓馬勵志儒素誓心報國  
銘劒自努歷試丞宰遶畀鎮浦繕修器械聿備陰雨  
歲在龍蛇運艱天步島夷搆釁賊勢蠡午海防失險  
危迫朝暮主辱臣死挺身遠赴投淚登舟杖劒督櫓

快帆雲駛焚麀賊藪捷聞行在增秩眷注益勵忠憤  
誓死報主一身捍衛防截海路時維九月轉戰于釜  
兩飛赤丸風折大樹白日慘悽雷哭部伍義重泰山  
身輕一羽聖祖震悼追授節度立廟安靈恩出異數  
寵褒荐加秩亞兵部旌名里閭紀實行譜酬報之典  
炳燬前後瞻茲南鄉寔卿故土風聲所樹多士景慕  
甲子一周肇建祠宇尚闕揭扁士論齊籲想卿忠節  
拊髀增僚九原難作予懷之疚肆錫新額庸勸章甫  
宜薦苾芩毋替永久遣官式奠庶歆觴豆

松林書院賜額文

肅宗壬戌○贈領議政金權主  
享史曹參判俞榮追享○務安

洪惟宣廟誕撫休期作人之效軼周盛時卿當斯際  
夙挺殊姿精金百鍊良玉無疵襲訓名祖聞禮與詩  
摠衣有道能自得師克養既至內貞外夷立朝正色  
風裁自持從容細蘊謬良規剛直之操聖祖深知  
儲養貽後將大厥施云胡不幸西邁百罹維時罔極  
人紀圯墜謂毋可讎在廷是咨淫威以費疇敢不隨  
卿惟奮起感慨涕洟一言扶倫鼎鑊如飴遂嬰奇禍  
北遷南移寸心如鐵顛沛靡虧訛言孔慘遠聞海陸  
血泣絕餐一疾莫醫迹屈道伸身沒名垂南人慕義  
久而不衰立祠揭虔章甫同辭九原難作遺風可追

徵茲樹立寵獎良宜爰錫新名用賁祠楮凡民之生  
均此秉彝庶幾來者觀感興思其於風化豈小補之  
遣官薦誠式循常儀不昧者存尚克欽茲

南臯書院賜額文

肅宗乙丑○贈執義李恒主享  
倡義使金千鎰配享○秦仁

粵在明宣多士輩出同徵五逸爾居其一天挺人豪  
蔚為宗師俊偉之器剴毅之資幼而嬉戲氣懾群兒  
中遊俠窟跡弛難羈一念翻然痛自剋責刮磨豪習  
歸依正學曾傳一篇寔為發跡庶洞十訓奉以朝夕  
發憤攻苦專心肆力沉潜格致毫分縷析實踐之學  
丕變之功在古誰似橫渠與同猶深憤懣就正有道

樞衣入室學益深造寶林之麓藏修有所扁齋以一  
寔焉將老鶴唳聞天騶鳴入谷旣縻以爵又名以駟  
感激恩禮一趨天陞敷陳治道弗孤虛佇暨畀雷封  
豈展所抱一壺歸來冥鴻皎皎梨院栢府除命累至  
聖眷益隆素志愈厲楹真纔夢探木遽摧士林靡依  
黼座興嘆亦越門牆繼有偉士早服明誨勉以忠義  
屢勤弓旌歷試外內鵠立臺省凜然風采歲在龍蛇  
島夷猖獗五廟灰燼六龍播越河北十郡爾乃投袂  
馳告薦要糾合義旅登壇誣血士氣自信還賊輒挫  
軍聲日壯進兵江都復屯相望行朝有命錫躡用獎

榜眾虜首寇不敢動大軍北來十萬其眾聲勢相倚  
賊兵窮蹙入臨廟壚守陴皆哭承命逐賊昇疾就途  
維彼晉陽為蔽嶺湖東甲以越約守孤城虜兵如雲  
肉薄爭登沫血飲泣士卒盡力竭睢陽失守  
止水堂前父子捨生青溪柵下孝烈雙清丹心一片  
怒濤千春寵贈既崇天褒維新有師有弟百世咸仰  
予聞風規慨然興想恨不同時俾也可忘昔所棲息  
宛若函丈有宮翼然並享于茲恩額獨闕有識竊咨  
多士重繭露章齊籲有司拘常尚靳崇報式備追典  
命揭新誦茲遣一价侑我明神

兵曹佐郎  
趙相愚製

寧川書院賜額文

肅宗丙寅○判官安處順都事  
丁燮舍人丁燠佐郎李大邑并

享○  
南原

士貴篤行學本踐實世競務華鮮有其質緬惟通判  
行遵古訓根性孝友寔為基本志養之敬致哀之禮  
感通神明二連同軌策名揚庭金馬石渠麗澤文正  
君子得與士林禍煽同被噎媚超然獨舉不挫不汚  
悼道愍世絕意榮路德茂位細用不克究有猗丁氏  
行峻而清孝謹馴性剛方直聲治身制事斬斬有節  
登朝不顯遭制毀沒華質長潛餘徽未沫亦越中舍  
寔其賢季學醇行修實資乃兄屢揚臺閣蔚有盛名

遇事蹇蹇益彈忱誠早習春秋深究微旨立朝風儀  
 根據大義違時危疑群奸搆禍忠良駢首拊揚咎獲  
 遂竄絕海危機日迫怡然若命玩心經籍屬土蒸蒸  
 卒物于謫不待百年寃洗官復曰惟負外卓行可儀  
 係出名儒學源賢師篤孝出天悉循禮則克有其本  
 充積孚達蘊道婆娑樂彼衡泌幽貞粹潔炯炯雲月  
 闇然而章屢被旌弓名高德純藹然流風中宣盛際  
 儒學彬彬躬行善士有茲數臣昭焯在人永為表式  
 瞻彼湖邑有祠翼翼揭虔并享儷美齊光迄于累禩  
 祀典未遑衿紳聳慕彌久彌新封章請額千里叫閭

茲遣儀郎寵領華扁不昧者存庶歆禮奠

副修撰徐文裕製

道源書院賜額文

肅宗丁卯○監司林億齡文穆公鄭述叅議安邦俊并享舍人

崙山斗進享○同福

於赫先朝壽考作人惟時俊彥輩出彬彬蔚然相繼  
 照人耳目遺風餘烈凜乎如昨曰惟承宣志高行潔  
 嫉彼朋奸遂罹齟齬責弟以義焚券勵操餘事文章  
 傑出雄鷲寓懷言志氣勁辭嚴孰不聞風懦立頑廉  
 亦粵文穆質粹而高業承寒暄學傳退陶體用兼該  
 義敬交致一疏軒天扶倫樹紀矧當論著羽翼斯道  
 啓發群蒙揭示趨造有若中書世稱三傑早與諸賢



協心磨切學務誠正志存匡弼群凶煽禍一網打盡  
 遂竄遐裔齋志而殞餘徽遺馥雖久不泯至若侍郎  
 氣節是礪負笈從師厥有踐詣抗章天門義正言直  
 一念憂國老而彌篤屏迹丘樊表率後學士用興起  
 視為矜式惟茲四臣間世儒珍究厥樹立卓越誰倫  
 緬懷典刑追愴莫逮睠彼南邑杖屨攸暨茲焉俎豆  
 次第并揭爰遣禮官賁以嘉額仍薦泂酌庶幾歆格  
 眉川書院賜額文 肅宗癸酉○文正公  
許穆獨享○羅州  
 士有豪傑間世而生開運盛衰係國屯亨疇克當是  
 厥惟我卿始卿弱冠有識昂霄豈專學力天稟素高

蔚然名世遂成鴻儒孝考旌招于彼巖穴逮予初服  
 束帛加璧起自耆秩晉宅百揆有叙天秩敷樹人紀  
 小人有畏君子有恃坐鎮雅俗為國善龜復見伊呂  
 再生龍夔樑木之催適在邈野簪履雖念疇裨新化  
 天南鉅府魏舒外鄉遺韻所感蛾子知方創宇妥靈  
 有楚蓮豆賜扁于楹實循齋額秩其牲帛視諸眉江  
 靈如不昧庶幾歆降 校理李  
峻製  
 鳳巖書院賜額文 肅宗乙亥○判府事金集  
副提學金絳并享○臨陂  
 本朝崇儒多士猗猗世或先後道則同歸卓矣文敬  
 夙遵正達家庭襲訓洛閩是希莊敬自持造次不離

其最用功已所獨知誠求實踐鈔契于斯表裏交修  
動靜周達周詳鎮密細入毫釐允矣君子知德者誰  
道窮本原探索精微禮謹節文考證差疑剖闡遺道  
斯文罔墮惠我後學厥功則巍聖祖尚賢實際昌期  
首膺旌招位掌邦治衛士加額庶幾有為如何曷退  
道不克施有號自養生稟異姿氣清質粹志高才奇  
玉堂奎馬獻納論思學從仕優忠自孝移襲薰良友  
拔茅明時尊王黜霸期鑄雍熙北門夜啓域弩潜吹  
拊揚禍慘率老荒陲驚城為縣窮海之涯類單於空  
若涪於伊地存遺蜀士髭餘微於焉安靈有廟邗邗

緬懷前修慨焉嗟咨爰錫華扁俾揭柱楹修其牲幣  
奠以忱辭尚其歆格毋或數遺

考巖書院賜額文

肅宗乙亥○文正公  
宋時烈獨享○井邑

稟天間氣為世真儒心希孔顏學溯程朱自任繼開  
不求聞達聖祖圖功夢想英傑風雲一感魚水相得  
日仄晉筵夜分前席昭融契合密勿謨猷志切沼吳  
義嚴尊周皇天不吊弓劍遽遠卿接古經以證疑典  
宵人鼓煽奇禍崩孽寧考望珍寵遇猶篤禮隆弓旌  
任重台司士有矜式國之蕃龜逮予冲齡蔽於譖口  
止遷南徙山瘴海霧身困道亨年高德邵天運循環

氛翳廓掃倏起湘龍再返遼鶴大老歸朝都民加額  
 予方側席卿已懸車進退皆憂匡救實多粵在戊辰  
 元良載誕一人有慶萬姓均抃况卿愛戴信出衷悃  
 尺疏勤摯夫豈有他歷陳古昔冀察讒邪予不覽揆  
 反齋疑怒十夫撓推慈母投杼棘籬繞荐邏逮復急  
 令泣傳舍率挈書篋未就牢獄俄有後命危忱莫暴  
 死目不瞑恩義罔終缺既舉愍章更復前秩  
 睠彼楚山昔所臯復千秋魂魄庶幾茲託居人泣說  
 歎其從容行路指點挹其遺風觀感在茲典刑如昨  
 多士合謀一方趁役載營祠廟齊籲宸閣庸畀華扁

以勸後學日辰之吉肴醴之馨不昧者存尚其來寧

副校理  
并權製

武城書院致祭文

肅宗丙子○新羅文昌侯崔致遠本朝縣監申替并享正言丁

克仁佐郎宋世琳進士鄭彥忠故使金若默進士金權配享○秦仁

粵惟文昌挺生羅季歷敷中朝蔚為國瑞文章學術  
 輝映千紀殿食將聖斯文未墜我東儒教實自公始  
 殿世溷濁韜光就閒鸞棲枳棘于彼泰山沅風餘韻  
 赫赫耳目邑人追思報紀靡或有若臣潛已卯名紳  
 出宰茲邑少試經綸設校興學誘掖後人文風丕變  
 遺澤在民亦越五臣合名俱彰矜式一方南土之望

或并于朝或遜在野凡厥行蹟式相上下地存遺蹟  
士挹餘徽一堂齊享有廟邗邗庸錫華扁俾薦芬苾  
曠世哀榮靈其歆格

淵谷書院賜額文

肅宗丙子○左議政閔鼎重  
府院君閔維重并享○長興

兄弟並美在古亦難賢挺河南氣秀眉山寥濶宇宙  
實罕其儔猗我二卿式克匹體曰惟文忠英特其質  
劉肅之標清高之節早從先正專精問學遭遇寧陵  
翊贊雪復倚毗彌篤望實俱隆前後偉績外內攸同  
賢閔北臬施設左藉安定學制文翁儒化德高忌集  
窺于南荒啓牖後學師表一方際時清明爰陟台躔

脊硬擔負扶正逾專噫彼屠維倫義大晦卿乃同禍  
竟沒西塞天道好還白日回照九原難作朝野永悼  
亦粵文貞金玉其人明達方直溫良慈仁程門龜山  
朱館勉齋羽儀明廷賢兄與偕篤禁王室斯道是衛  
秉執大義明正邦禮姱直難容愠彼群小炎陬一謫  
名德益邵主知轉深濶步方進度支司馬到底恢刁  
咫尺黃扉為國之舅邦制有局澤施未究昔按南藩  
政先樂育開發群蒙慕義靡極所以邦人思報厥惠  
祠享天冠式兄及弟潮陽遺俗甘棠餘愛同堂股食  
事曠前代多士齋籲特頌恩額雖禁疊設豈拘常格

文苑菁華 卷二十一  
消吉佗官揭之安之爰表予誠庶歆茲庀知製教洪

露峯書院賜額文肅宗丁丑○進士洪順福枝理

翊衛崔微之并享○南原

有國尚賢無間存沒苟裨文教崇褒宜別矐彼帶方  
哲士繼出周庠髦士學資先覺見得既高造詣者密  
群士閃奸崑火方烈扶祛家孥自觸駭機直肆賈禍  
視死如歸學士英粹見道尤卓尊賢斥邪聖祖褒直  
居家盡孝臨難殫節仁及衆殍明燭兩賊整服易箠  
巷哭相接亦粵正字純正端慈德容盡粹見者咸服  
孝先順志喪亦盡禮疎財重義衣食群弟發其所蘊

後進是惠承宣邃學實自家庭華人聳嘆譽蔚齒齡  
訕伸隨時或藏或行逮傳潛邸師道自尊晚彼眷禮  
臚進嘉言故家刑範翊衛能傳雍容之氣蓋得於天  
奉先以誠敦族以義遜猶憂國窮不易志終始操履  
之徵銘誌噫茲五臣萃于一府奎文鍾靈此為鄒魯  
學既衛道行亦砥俗遺澤未沫士林攸式爰揭鄉祀  
庸寓瞻慕朝有闕章一邦齋籲故錫華扁俾煨祠庶  
日辰載吉牲牢且潔體予追獎神其歆格修撰趙大壽製  
大溪書院賜額文肅宗甲申○上曹參議  
安邦俊獨享○寶城  
挺生南服天資傑卓早師儒宗篤志力學不屑舉業

為已專功志潔冰壺氣壓華嵩平生行誼忠孝推原  
慨傷頽俗節義是先堂扁隱峯宿寐先哲書編抗義  
圖揭遺躅歲在龍蛇奮袂同仇糾合義旅體府叅謀  
暨丁與丙前後赴難寇退言旋義聲斯振東海思蹈  
西山緬想素蓄既深遇變益壯癸亥清明首登剡牘  
暨屈督陞旋歸初服式至孝廟搜揚潛逸洊際臺省  
擢至緋玉固守東崗不渝素契志在殉國夫豈忘世  
炳然一念恒切葵傾屢陳危言驚破聾盲公平秉心  
深嫉黨論消長泚慝有嚴其辨宵壬醜正兩賢受誣  
抗章痛斥鬼魅罔逃石室秘藏顛倒黑白卿纂混定

据實直述太史据撫昭洗誣筆念卿志業大裨世道  
睠彼湖堧考槃之所遺風不泯多士景慕建祠妥靈  
于以俎豆庸錫新扁寵以光榮一辨明蕝庶歆予誠

戶曹叅議  
安堂製

松山書院賜額文

肅宗丙戌○左議故  
真澈獨享○昌平

予嘗求士惟忠惟清楚有左徒宋得元城峻節高風  
師表百世講究儒門寒泉一錄生平慕悅紫陽是學  
早揚明庭際遇宣廟弼違陳謨風儀矯矯時則有賢  
文簡文成道同心契贊襄治平君子得輿宵人側目  
卿惟最剛首叢衆鎬殿鸚繞褒市虎旋變遇坎則止

卷懷湖甸逆節俄起朝野咸震昇卿台鉉委卿澍問  
豈不平反彼自怨毒南箕貝錦終肆熒惑生既罹擯  
殺猶抱寃仁廟改玉澍慝大分元老齋訟厚誣昭雪  
粵予嗣服夔言復担盡矣九地再加謹斥始焉不諒  
終乃大覺恩綸特降相麻復宣思慰泉塗遂賜榮裡  
念卿屈伸實開時運當卿之屈朝論乃紊逮卿之伸  
治化維新絲茲以觀蓋見其人其人伊何忠孝清直  
松筠之操淵源之學先正所推後學攸尊聲徽不泯  
矜式斯存睠彼祈陽寔惟菟裘水石清絕風槩允符  
追攀遺躅宜建祠屋多士叶謀氓隸趨役瞻依有所

享禮罔缺頽廡懦立激礪在茲操方履貞觀感由斯

爰錫新顏庸載祀典不昧英靈庶歆寵奠

都正趙泰東製

龍山書院賜額文

肅宗丁亥○贈左承旨  
補光前獨享○寶戒

睠彼湖南山川秀麗地靈攸鍾名儒相繼矧我祖宗  
培育累世若柳若奇鳴于盛際誰其接武文純高第  
懿厥天稟端良愷悌自知為學粵從髫歲洛閩群書  
潛心默契講討功專進修志銳師門質疑見解超詣  
獎與至深有贈篇製學非外求孝其根柢躬兼耕讀  
親極甘毳棲遲澗谷偃蹇松桂形癯道肥聞章居弊  
聖祖敷朮屢勤徵幣郎于寢廟傳于朱邱民社再試

文苑叢書 卷三十一  
絃歌流惠存心愛物信乎有濟迨歲龍蛇島夷肆獮  
列郡風靡孰遏其勢乃糾義旅沫血自誓扼彼咽喉  
隱然捍蔽膚功未奏奄忽其逝儒林錯愕烈士咸涕  
平居守志以道磨勵臨難慷慨精忠奮勵克養有素  
秉義無替馳秩褒嘉恩延揭厲鄉人永慕俎豆以祭  
肆因疏籲亟遵舊例佾官賜奠祠額是揭靈如不昧  
庶歆蕉荔

鹿洞書院賜額文

肅宗癸巳○直提學崔德之主  
享處士崔忠成配享領議政金

壽恒判書金昌  
協追享○靈巖

道學節行世所矜式祀賢饗德邦有典則侃侃直學

望實俱赫遭際英陵晉塗方闢一投州紱高卧月出  
杜門講學玩續經說堂扁存養用工微密文廟乃嘉  
名置內閣賞其純實恩顧優渥尺疏乞骸復遂初服  
終身丘壑風勵頽俗庭訓所漸有孫亦賢薰德師門  
志道妙年識高行篤適紹家傳繫我良佐邦國蕃龜  
忠純其操莊穆其姿親炙名祖切磋大老尊聞行知  
大展抱負身任世道抑陰扶陽一節三朝德業循章  
四入中書再遷南裔惟卿進退占時丕泰永言龍蛇  
曷勝悼悔睠彼朗山是卿湘沅迪我南士餘教斯存  
淇竹興思受世不忘巖巖尚書趾美先躅業承詩禮



文苑黼黻卷之三十二  
器韞珪璧經帷討論昌言啓沃中罹變故遯于空谷  
俛焉自修一心求道探泝蒸陽叩抽鍵奧真知實踐  
造詣益精扶植世教模範後生光塵所暨紳紳均慕  
前後四賢臨留斯土祖孫相望父子并美多士協謀  
立廟以紀齊享于左列配其次茲宣華額俾聳瞻聆  
名叶鹿洞輝映千齡遣官致酌牲酒肥香神其來格  
庶歆此觴

文苑黼黻卷之三十二

